

ЎЗБЕКИСТОН РЕСПУБЛИКАСИ ҚОНУН ҲУЖЖАТЛАРИ ТҮПЛАМИ

27-сон
(111)
2004 й.
июль

Ўзбекистон Республикаси Қонун ҳужжатлари тўплами беш бўлимдан иборат:

тўпламнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;

иккинчи бўлимда Ўзбекистон Республикаси Президентининг фармон ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпламнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигига давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Иккинчи бўлим

313. «Ўзбекистон Савдо-саноат палатасини ташкил этиш тўғрисида» Ўзбекистон Республикаси Президентининг 2004 йил 7 июлдаги ПФ-3453-сон Фармони

Учинчи бўлим

314. «Ўзбекистон Республикаси Ҳукуматининг айрим қарорларига ўзгартиришлар киритиш ва баъзиларини ўз кучини ўқотган деб хисоблаш тўғрисида» Ўзбекистон Республикаси Вазирлар Маҳкамасининг 2004 йил 6 июлдаги 317-сон қарори

315. «Маҳсулотларни сертификатлаштириш тартиботини соддалаштиришга доир қўшимча чора-тадбирлар тўғрисида» Ўзбекистон Республикаси Вазирлар Маҳкамасининг 2004 йил 6 июлдаги 318-сон қарори

316. «2004 йилги XXVIII ёзги Олимпиада ўйинлари совриндорлари бўлган Ўзбекистон Республикаси спортчиларига бир марталик мукофотларни тўлаш тартиби тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2004 йил 7 июлдаги 320-сон қарори

Бешинчи бўлим

317. «Истемолчиларнинг электр қурилмалардан техник фойдаланиш қоидаларини тасдиқлаш тўғрисида» Ўзбекистон Республикаси Электр энергетикада назорат бўйича давлат инспекцияси бошлигининг 2004 йил 21 майдаги 207-сон бўйруги. (*Ўзбекистон Республикаси Адлия вазирлиги томонидан 2004 йил 9 июлда 1383-сон билан давлат рўйхатидан ўтказилди*)
318. «Товарларни автомобиль транспортида божхона назорати остида етказиш қоидаларига ўзгартириш киритиш тўғрисида» Ўзбекистон Республикаси Давлат божхона қўмитасининг 2004 йил 28 июндаги 01-02 / 20-29-сон қарори. (*Ўзбекистон Республикаси Адлия вазирлиги томонидан 2004 йил 9 июлда 875-1-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий хужжатларини давлат рўйхатидан ўтказиш ҳолати тўғрисида 2004 йил 3 июлдан 9 июлгача бўлган маълумот

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

313 Ўзбекистон Савдо-саноат палатасини ташкил этиш тўғрисида

Хусусий тадбиркорликни янада ривожлантириш, бизнес-муҳитни такомиллаштириш, республика тадбиркорларининг хорижий шериклар билан ишбилармонлик алоқаларини мустаҳкамлаш, маҳаллий товарлар ва хизматларни ташки бозорларга олиб чиқиши, тайёр рақобатбардош маҳсулотлар ишлаб чиқарилишини таъминлаш учун янги корхоналарни ташкил этиш, мавжуд ишлаб чиқаришларни техник қайта жиҳозлаш ва замонавийлаштириш учун республикага чет эл сармоясини кенг жалб этиш мақсадида:

1. Тадбиркорлик тузилмалари, кичик бизнес субъектлари ва хусусий корхоналар вакиллари, Товар ишлаб чиқарувчилар ва тадбиркорлар палатаси, Ўзбекистон Республикаси Иқтисодиёт вазирлиги ва Давлат мулки қўмитасининг Товар ишлаб чиқарувчилар ва тадбиркорлар палатасини қайта тузиш ва унинг асосида Ўзбекистон Савдо-саноат палатасини ташкил этиш тўғрисидаги таклифи қабул қилинсин.
2. Қуйидагилар Ўзбекистон Савдо-саноат палатаси фаолиятининг асосий вазифалари ва ўйналишлари этиб белгилансин:

Республикада тадбиркорликнинг, энг аввало кичик ва хусусий бизнеснинг жадал ривожланишига, хақиқий мулкдорларнинг кенг қатлами шаклланишига, хусусий секторнинг мамлакатимиз иқтисодий ҳаётидаги роли ва аҳамиятини тубдан оширишга кўмаклашиш;

Республика тадбиркорларига хорижий шериклар ва сармоядорлар билан ишбилармонлик алоқаларини кенгайтиришда, мамлакатимиз тадбиркорлари томонидан ишлаб чиқарилган экспорт маҳсулотларини ташки бозорларга олиб чиқишида, шунингдек, қўшма корхоналар ташкил этиш, энг аввало кичик ва хусусий корхоналарни техник жиҳозлаш ва қайта жиҳозлаш учун республикага тўғридан-тўғри хорижий сармояларни жалб қилишда ёрдам бериш;

Бошқа мамлакатлар савдо-саноат палаталари ва тадбиркорларнинг жамоат бирлашмалари билан ҳамкорликни йўлга қўйиш ва ривожлантириш, Ўзбекистон тадбиркорлари делегацияларининг амалий ташрифларини ташкил этиш ва республикада хорижий тадбиркорларни таклиф қилиш, республикада ва чет элларда тадбиркорларнинг халқаро бизнес-анжуманлари, ишбилармонлар маҳсулотларининг савдо-саноат кўргазмалари ва ярмаркаларини ўтказиш;

тадбиркорлик фаолияти субъектларига кенг турда хизмат кўрсатиш, жумладан, ахборот таъминоти ва маслаҳат ёрдами бериш, мамлакатимиз ишлаб чиқарувчилари, улар томонидан ишлаб чиқарилаётган маҳсулотлар ва инвестиция имкониятлари, шунингдек, бўлажак шериклар ва замонавий технологияларни харид қилиш имкониятларига оид ахборотни ўз ичига олган бизнес-каталоглар нашр этилишини йўлга қўйиш;

тадбиркорликни ривожлантириш учун қулай ишбилармонлик муҳитини шакл-

лантириш, бизнес юритишига оид халқаро меъёрлар ва амалиётни республикада жорий этиш, тадбиркорлик фаолиятини юритиш борасидаги ҳуқуқий ва иқтисодий шароитларни яхшилашга йўналтирилган қонунчиликни такомиллаштириш тўғрисида таклифлар тайёrlаш чора-тадбирларини амалга ошириш;

тадбиркорларнинг қонуний ҳуқуқ ва манфаатларини, жумладан, рўйхатга олиш, маҳсулотини сертификатлаш ва лицензия бериш, шунингдек, ишларини судларда кўриб чиқиш масалаларида давлат ва хўжалик бошқаруви органлари билан муносабатларда уларнинг қонуний ҳуқуқ ва манфаатларини ифода этиш ва ҳимоя қилиш;

тадбиркорлик фаолиятига оид таълим ва кадрлар тайёrlаш тизимини ривожлантириш, тадбиркорларни ўқитиш ва малакасини ошириши ташкил этишни қўллаб-куватлаш.

3. Белгилаб қўйилсинки, Ўзбекистон Савдо-саноат палатаси:

мамлакатимиз тадбиркорлик фаолияти субъектларини, шу жумладан микрофирмалар, кичик ва хусусий корхоналар якка тартиbdаги тадбиркорларни ихтиёрий равишда бирлаштирувчи нодавлат нотижорат ташкилотидир;

Қорақалпоғистон Республикаси, вилоятлар ва Тошкент шаҳрида ташкил этиладиган ҳудудий тузилмалари билан биргаликда ягона тизимни ташкил этади;

зиммасига юклangan вазифа ва функцияларни самарали бажариш учун зарур ҳолларда республика туманлари ва шаҳарларида филиаллар тузиш ҳуқуқига эга;

Ўзбекистон Товар ишлаб чиқарувчилар ва тадбиркорлар палатаси томонидан имзолангандар шартномалар ва мажбуриятлар бўйича ҳуқуқий ворис ҳисобланади.

4. Ўзбекистон Республикаси Ташкилар вазирлиги, Ташкил иқтисодий алоқалар агентлиги:

Ўзбекистон Савдо-саноат палатасига ҳар томонлама, жумладан, Ўзбекистон Республикасининг хориждаги элчиноналари мутахассисларини жалб этиш орқали Палатанинг зиммасига юклangan вазифаларни амалга оширишда, бошқа мамлакатлар савдо-саноат палаталари, хорижий сармоядорлар ва шериклар билан амалий алоқалар ўрнатишда, шунингдек, мамлакатимиз ишлаб чиқарувчилари маҳсулотларини сотиш учун чет эл бозорларини ўрганиш ва ўзлаштиришда ёрдам берсин;

Ўзбекистон Савдо-саноат палатаси билан биргаликда уч ой муддатда Палатанинг қатор хорижий мамлакатларда ваколатхоналарини очиш ва уларнинг раҳбарларига дипломатик ходим мақомини бериш мақсадга мувофиқлиги хусусидаги таклифларни Вазирлар Маҳкамасига киритсин;

мамлакатимиз тадбиркорлари — Савдо-саноат палатаси аъзоларини минтақавий экспорт ва транзит товарлар (иш ва хизматлар) савдо оқимида фаол иштирок этишга жалб қилиш борасидаги ҳамкорлик ишларини ташкил этиш.

5. Ўзбекистон Савдо-саноат палатаси ва унинг ҳудудий тузилмаларида давлат ва хўжалик бошқаруви органларининг тадбиркорлик субъектлари — Палата аъзоларининг қонуний ҳуқуқ ва манфаатларини камситувчи хатти-харакатлари ва қарорлари юзасидан судларга даъво аризаси билан мурожаат этиш ҳуқуки берилсин. Бунда улар давлат божларини тўлашдан озод этилади.

6. Ўзбекистон Республикаси Адлия вазирлиги Иқтисодиёт вазирлиги, Давлат муслимийатини кўмитаси, Ўзбекистон Савдо-саноат палатаси, бошқа манфаатдор вазирликлар ва ташкилотлар билан биргаликда икки ой муддатда Вазирлар Маҳкамасига «Ўзбекистон Республикасининг Савдо-саноат палатаси тўғрисида»ги Ўзбекистон Республикаси қонуни лойиҳасини тақдим этсин.

7. Ўзбекистон Республикаси Вазирлар Маҳкамаси:

Ўзбекистон Савдо-саноат палатасини ташкил этиш, Палатанинг таъсис съез-

дини ўтказиш, Палата Уставини қабул қилишга оид ташкилий масалаларни ҳал қилишда кўмаклашсин;

бир ой ичидаги Ўзбекистон Савдо-саноат палатаси иштирокида Ҳукуматнинг Савдо-саноат палатаси фаолиятини ташкил этишин тъминлашга доир қарорини ишлаб чиқиб, қабул қилсин.

8. Ўзбекистон Республикаси Президентининг 1996 йил 12 мартағи ПФ-1407-сонли «Ўзбекистон Товар ишлаб чиқарувчилар ва тадбиркорлар палатасини ташкил этиш тўғрисида»ги Фармони ўз кучини йўқотган деб хисоблансин.

Ўзбекистон Республикаси Адлия вазирлиги бир ой муддатда Вазирлар Маҳкамасига амалдаги қонунчиликка мазкур Фармондан келиб чиқадиган ўзгаришлар ва кўшимчалар тўғрисида таклифлар киритсин.

9. Ушбу Фармоннинг ижросини назорат қилиш Ўзбекистон Республикаси Бош вазири ўринбосари Р.С. Азимов зиммасига юклатилсин.

Ўзбекистон Республикаси Президенти И. КАРИМОВ

Тошкент ш.,
2004 йил 7 июль,
ПФ-3453-сон

УЧИНЧИ БҮЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

314 Ўзбекистон Республикаси Ҳукуматининг айрим қарорларига ўзгартиришлар киритиш ва баъзиларини ўз кучини йўқотган деб ҳисоблаш тўғрисида

Ўзбекистон Республикаси Президентининг «Ўзбекистон Хотин-қизлар қўмитаси фаолиятини қўллаб-қувватлаш борасидаги қўшимча чора-тадбирлар тўғрисида» 2004 йил 25 майдаги ПФ-3434-сон Фармонини бажариш юзасидан Вазирлар Махкамаси **қарор қилади**:

1. Вазирлар Махкамасининг «Давлат бошқаруви худудий органлари тузилмасини такомиллаштириш тўғрисида» 2004 йил 5 январдаги 2-сон қарорида:

1, 1а, 1б ва 2-иловаларда «Ҳокимнинг ўринбосари — хотин-қизлар қўмитаси раиси» устунидаги «референт» сўзи «бош мутахассис» сўzlари билан алмаштирилсин;

За, ба ва 6-иловалар янги таҳрирда баён қилинсин (илова қилинади).

2. Қўйидагилар:

Вазирлар Махкамасининг 1991 йил 1 мартағи 33-ф-сон фармойиши;

Вазирлар Махкамасининг «Ижтимоий кўнишка марказлари фаолиятини такомиллаштириш тўғрисида» 2002 йил 16 майдаги 162-сон қарорининг 4-банди ўз кучини йўқотган деб ҳисоблансан.


3. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Вазирлар Махкамасининг Раиси И. КАРИМОВ

Тошкент ш.,
2004 йил 6 июль,
317-сон


Вазирлар Махкамасининг
2004 йил 5 январдаги 2-сон қарорига
За-ЙЛОВА
(Вазирлар Махкамасининг 2004 йил
6 июлядаги 317-сон қарори таҳририда)

Вилоят марказлари бўлган шаҳарлар ҳокимликлари бошқарув аппаратининг намунавий тузилмаси



Вазирлар Махкамасининг
2004 йил 5 январдаги 2-сон қарорига
5а-ИЛОВА
(Вазирлар Махкамасининг 2004 йил
6 июлдаги 317-сон қарори таҳририда)


Қишлоқ туманлари ҳокимликлари бошқарув аппаратининг намунавий тузилмаси



Изоҳ: *Кишлоқ ва сув хўжалиги масалаларига мутасаддиллик қиласди.

Вазирлар Махкамасининг
2004 йил 5 январдаги 2-сон қарорига
6-ИЛОВА
(Вазирлар Махкамасининг 2004 йил
6 июлядаги 317-сон қарори таҳририда)

Шаҳар туманлари ҳокимликлари бошқарув аппаратининг намунавий тузилмаси



ЎЗБЕКИСТОН РЕСПУБЛИКАСИ ВАЗИРЛАР МАҲҚАМАСИННИГ ҚАРОРИ

315 Махсулотларни сертификатлаштириш тартиботини соддалаштиришга доир қўшимча чора-тадбирлар тўғрисида

Тадбиркорлик фаолияти субъектлари учун кулай шарт-шароитлар шакллантириши давом эттириш, махсулотларни сертификатлаштириш жараёнини соддалаштириш ва бу борадаги бюрократик тўсиқларни бартараф этиш мақсадида Вазирлар Маҳқамаси **қарор қиласди**:

1. Қўйидагилар:

Махсулотларни сертификатлаштириш тартиби тўғрисидаги низом 1-иловага мувофиқ;

Мажбурий тартибда сертификатланадиган махсулот турлари рўйхати 2-иловага* мувофиқ тасдиқлансин.

2. 2004 йил 1 октябрдан бошлаб декларациялаш йўли билан махсулотларнинг белгиланган талабларга мувофиқлигини тасдиқлаш тизими жорий этилсин.

«Ўзстандарт» агентлиги икки ой муддатда Махсулотнинг хавфисизлик талабларига мувофиқлигини декларациялаш тартиби тўғрисидаги низомнинг белгиланган тартибда ишлаб чиқилишини ва Ўзбекистон Республикаси Адлия вазирлигига рўйхатдан ўтказилишини таъминласин.

3. «Ўзстандарт» агентлиги, Ўзбекистон Республикаси Соғлиқни сақлаш вазирлиги, Қишлоқ ва сув ҳўжалиги вазирлиги, Давлат табиатни муҳофаза қилиш қўмитаси манфаатдор вазирликлар ва идоралар билан биргаликда бир ой муддатда мазкур қарорга мувофиқ:

четдан келтирилаётган махсулотлардан аккредитация қилинган органлар ва лабораториялар томонидан синов ўтказиш учун намуна олишнинг чекланган нормаларини белгиласинлар;

аккредитация қилинган органлар ва лабораториялар ўртасида синовларнинг такорланишига йўл қўймаслик мақсадида синовлар турларини белгиласинлар;

ўзларига қарашли аккредитация қилинган лабораторияларда махсулотларни синовдан ўтказиш хизматларига тарифларни Ўзбекистон Республикаси Молия вазирлигига (унинг худудий бўлинмаларида) олдиндан декларация килсинлар.

4. «Ўзстандарт» агентлиги ўзига қарашли ташкилотлар томонидан кўрсатида-диган хизматларга тарифларни Ўзбекистон Республикаси Монополиядан чиқариш ва рақобатни ривожлантириш давлат қўмитаси билан икки ҳафта муддатда келишиб олсин.

5. Белгилаб қўйилсинки, мувофиқлик сертификатлари мавжудлигини текшириш фақат мажбурий тартибда сертификатланадиган махсулотларга нисбатан қонун хужжатларига мувофиқ белгиланган ваколатли давлат органлари томонидан амалга оширилиши мумкин.

6. «Ўзстандарт» агентлиги уч ой муддатда:

«Ўзстандарт» агентлигига «Стандартлаштириш тўғрисида»ги Ўзбекистон Республикасининг Конунида белгиланган стандартлаштириш бўйича норматив хужжатлар тоифаларини тайёрлаш ва рўйхатдан ўтказиш тартиби тўғрисидаги низомнинг ҳамда Мажбурий тартибда сертификатланадиган бир турдаги махсулотларнинг ҳар бир турини уларда сертификатлаштиришнинг тегишли норматив хужжатларда бел-

* 2-илова рус тилидаги матнда берилади.

гиланган хавфсизлик кўрсаткичлари кўрсатилган қоидаларининг Ўзбекистон Республикаси Адлия вазирлигига рўйхатдан ўтказилишини;

мажбурий тартибда сертификатланадиган маҳсулотларнинг номенклатура рўйхати, уларнинг сифатини ва хавфсизлигини белгиловчи норматив ҳужжатларни кўрсатган ҳолда, нашр этилишини ҳамда божхона, солик ва аккредитация қилинган органларга жўнатилишини таъминласин.

7. Ўзбекистон Товар ишлаб чиқарувчилар ва тадбиркорлар палатаси хузуридағи «EAN Uzbekistan» масъулияти чекланган жамиятни «EAN Uzbekistan» уюшмасига айлантириш мақсадга мувофиқ деб хисоблансин.

Ўзбекистон Товар ишлаб чиқарувчилар ва тадбиркорлар палатаси иккى ой муддатда ушбу банднинг бажарилишини таъминласин.

8. «Ўзстандарт» агентлиги, Ўзбекистон Товар ишлаб чиқарувчилар ва тадбиркорлар палатаси, Ўзбекистон Телерадиокомпанияси, Ўзбекистон матбуот ва ахборот агентлиги бошқа манфаатдор вазирликлар ва идоралар, Қорақалпогистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда сертификатлаштириш соҳасидаги барча норматив-хукукий ҳужжатларни республикадаги барча тадбиркорларга, шу жумладан Интернет орқали етказиш бўйича чора-тадбирлар комплексини ишлаб чиқсанлар ва амалга оширсанлар.

9. Қўйидагилар:

Вазирлар Маҳкамасининг «Сертификатлаштирилиши шарт бўлган маҳсулотлар рўйхатини, сертификатлаштиришни ўтказиш, хавфсизлигини тасдиқлаш талаб этиладиган товарларни Ўзбекистон Республикаси худудига келтириш ва уларни унинг ташқарисига чиқариш тартибини тасдиқлаш ҳақида» 1994 йил 12 августдаги 409-сон қарори (Ўзбекистон Республикаси КТ, 1994 й., 8-сон, 38-модда) 1-банднинг иккинчи хатбоши ва ушбу қарорга 1-илова;

Вазирлар Маҳкамасининг «Ўзбекистон Республикасига истеъмол товарлари олиб келишни такомиллаштириш чора-тадбирларини амалга ошириш тўғрисида» 2002 йил 5 декабрдаги 427-сон қарори (Ўзбекистон Республикаси КТ, 2002 й., 12-сон, 75-модда) 2-банднинг учинчи хатбоши ва ушбу қарорга 3-илова ўз кучини йўқотган деб хисоблансин.

10. Ўзбекистон Республикаси Адлия вазирлиги манфаатдор вазирликлар ва идоралар билан биргаликда бир ой муддатда конун ҳужжатларига мазкур қарордан келиб чиқувчи ўзгартириш ва қўшимчалар тўғрисида Вазирлар Маҳкамасига таълифлар киритсин.

Вазирликлар ва идоралар маҳсулотлар ва хизматларни сертификатлаштириш масалаларини тартибга солувчи идоравий ҳужжатларни бир ой муддатда хатловдан ўтказсинлар ва мазкур қарорга мувофиқлаштиранлар ҳамда белгиланган тартибда Ўзбекистон Республикаси Адлия вазирлигига рўйхатдан ўтказсинлар.

11. Мазкур қарорнинг бажарилишини назорат қилиш Ўзбекистон Республикаси Баш вазирининг ўринбосари Ў.Т. Султонов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 6 июль,
318-сон

Вазирлар Маҳкамасининг
2004 йил 6 июлдаги 318-сон қарорига
1-ИЛОВА

Маҳсулотларни сертификатлаштириш тартиби тўғрисида НИЗОМ

I. Умумий қоидалар

1. Мазкур Низом ишлаб чиқариладиган ва четдан келтириледиган маҳсулотларни сертификатлаштириш (кейинги ўринларда матнда сертификатлаштириш деб аталади) тартибини белгилайди.

Бир турдаги маҳсулотларнинг хар бир тури бўйича сертификатлаштириш тартиби Ўзбекистон Республикаси Адлия вазирлигига рўйхатдан ўтказиладиган сертификатлаштиришнинг тегишли қоидалари билан белгиланади.

Сертификатлаштириш давомида илгари текширилган хавфсизлик бўйича тавсифга таъсир этмайдиган маҳсулотнинг дизайнини ёки ташқи тавсифлари ўзгариши замонавийлаштирилган маҳсулотга кўшимча сертификатлаштириш ўтказилишига олиб келмайди. Маҳсулот хавфсизлиги бўйича мажбурий тавсифлар стандартлаштириш бўйича тегишли норматив хужжатларда белгиланади.

2. Мазкур Низомнинг амал қилиши мажбурий ва ихтиёрий сертификатлаштиришга татбиқ этилади.

Мажбурий тартибда сертификатлаштириледиган, шунингдек уларнинг мувофиқлиги мувофиқлик декларацияси билан тасдиқланиши мумкин бўлган маҳсулотлар рўйхати Ўзбекистон Республикаси Вазирлар Маҳкамаси томонидан белгиланади.

3. Сертификатлаштиришни амалга ошириш иловага мувофиқ схема бўйича, қоидага кўра, икки босқичда ўтказилади.

Биринчи босқич бир вақтнинг ўзида, заруриятга кўра, ветеринария ва фитосанитария хulosалари тегишли равишда давлат ветеринария назорати ва ўсимликлар карантини бўйича давлат хизмати органларида расмийлаштирилган ҳолда «Ўстандарт» агентлиги томонидан аккредитация қилинган давлат санитария назорати органларида гигиеник сертификат расмийлаштирилишини ўз ичига олади. Бунда тадбиркорлик фаолияти субъекти:

гигиеник сертификатни расмийлаштириш учун ариза билан биргаликда белгиланган тартибда аккредитация қилинган сертификатлаштириш органларига (кейинги ўринларда сертификатлаштириш органлари деб аталади) мувофиқлик сертификатини расмийлаштириш юзасидан ариза беришга;

зарурат бўлганда тегишли хulosалар олиш учун ветеринария ва фитосанитария назорати органларига мустақил равишда мурожаат қилишга ҳақлидир.

Иккинчи босқич — сертификатлаштириш органлари томонидан мувофиқлик сертификати беришdir.

4. Сертификатлаштириш органлари тадбиркорлик субъектларининг ёзма аризасига мувофиқ давлат санитария назорати органларида, давлат ветеринария назорати ва ўсимликлар карантини бўйича давлат хизмати органларида, шунингдек табиатни муҳофаза қилиш давлат органларида сертификатлаштиришни ўтказиш ва барча зарур хulosаларни олиш юзасидан агентлик хизматлари кўрсатишга ҳақлидир.

Бунда намуналар танлаб олиниши, шунингдек улар тўғри танланганлиги ва улар тегишли давлат органларига такдим этилиши учун сертификатлаш органлари жавоб берадилар.

Кўрсатиб ўтилган хизматларга ҳақ тўлаш Ўзбекистон Республикаси Молия вазирлигига декларацияланган тарифлар бўйича амалга оширилади.

5. Мувофиқлик сертификатини расмийлаштириш ва беришнинг умумий муддати ишларнинг мураккаблиги даражасига, кўп меҳнат талаб қилиши ва ўзига хослигига қараб, барча зарур хужжатлар берилган вақтдан бошлаб 10 иш кунидан 1 ойгача доирада белгиланади.

II. Гигиеник сертификатни, ветеринария ва фитосанитария хулосаларини расмийлаштириш ва бериш тартиби

6. Гигиеник, ветеринария, фитосанитария ва экология сертификатлари (хулосалар) сертификатлаштирилаётган маҳсулотларга норматив хужжатларда тегишли равишда гигиеник, ветеринария, фитосанитария ёки экологик нормалар ва талаблар мавжуд бўлган тақдирда расмийлаштирилади.

7. Гигиеник сертификатни олиш учун ариза берувчи давлат санитария назоратининг худудий органига ариза билан мурожаат қиласди.

Аризага ишлаб чиқариладиган маҳсулотга норматив хужжатнинг нусхаси иловава қилинади (Давлатлараро стандарт — DC, Ўзбекистон Республикаси Давлат стандарти — O'zDSt, Техник шартлар — TSh; ишлаб чиқариладиган озиқ-овқат маҳсулотлари учун — Ўзбекистон Республикаси Соғлиқни сақлаш вазирлиги билан келишилган технологик йўриқнома ва рецептура).

Четдан олиб келинадиган маҳсулотга гигиеник сертификат олиш учун қўшимча равишда:

Ўзбекистон Республикасининг божхона худудига келганлик тўғрисидаги белги қўйилган ҳолда товарга илова қилинадиган хужжатларнинг (товар-транспорт юк хати, инвойс, счёт-фактура) нусхалари;

ишлаб чиқарувчининг келиб чиқиши мамлакати сертификати (товарнинг келиб чиқиши тўғрисида ишончли ахборот мавжуд бўлмаган тақдирда) нусхалари тақдим этилади.

8. Илгари сертификатланмаган (синалмаган) маҳсус кўлланиладиган биологик актив моддалар ёки озиқ-овқат хом ашёси ва озиқ-овқат маҳсулотлари ишлаб чиқариш технологияларининг озиқ-овқат қўшимчалари қўллаш билан боғлиқ ишлаб чиқаришни ташкил этишда ёки маҳсулотларни четдан келтиришда давлат санитария назоратининг худудий органи тегишли рухсатнома олиш учун Ўзбекистон Республикаси Соғлиқни сақлаш вазирлигига мурожаат қиласди.

Ўзбекистон Республикаси Соғлиқни сақлаш вазирлиги томонидан рухсатнома бериш З иш кунидан ортиқ бўлмаган муддатда амалга оширилади. Лаборатория синовларини ўтказиш харажатларини қоплаш учун Ўзбекистон Республикаси Соғлиқни сақлаш вазирлиги томонидан белгиланадиган ва Ўзбекистон Республикаси Молия вазирлигига декларацияланган тарифлар бўйича, бироқ энг кам ойлик иш ҳақининг 10 бараваридан ортиқ бўлмаган суммада тўлов ундирилади.

9. Тақдим этилган хужжатлар ўрганиб чиқилгандан кейин давлат санитария назоратининг худудий органи томонидан белгиланган тартибда жойнинг ўзига бориб лаборатория синовлари ўтказиш ва ишлаб чиқариш обьектини текшириш учун маҳсулотларнинг намуналари танлаб олинади. Маҳсулотларни гигиеник кўрсаткичларни аниқлаш учун синаш Ўзбекистон Республикаси Миллий аккредитация тизимида аккредитация қилинган давлат санитария назоратининг худудий органлари лабораториялари томонидан амалга оширилади.

10. Агар маҳсулот келиб чиқишига кўра ҳайвонот ёки ўсимлик дунёсига тे-

гишли бўлган тақдирда, давлат санитария назоратининг худудий органи ариза берувчидан ҳужжатлар олинган санадан кейинги кундан кечикмай ветеринария ёки фитосанитария хulosаси бериш бўйича ваколатли органларга мурожаат қиласди.

Ветеринария ёки фитосанитария хulosаси давлат ветеринария назоратининг туман (шахар) органлари ёки ўсимликлар карантини бўйича давлат хизмати органлари томонидан берилади.

Давлат ветеринария назорати органи 20 кунгача бўлган муддат билан белгиланган тартибда ажратиб қўйиш-чеклаш тадбирлари (карантин) белгилаши мумкин. Бунда ветеринария хulosаси бериш тартиботи карантин муддати тамом бўлгунга қадар тўхтатиб турилади.

Ветеринария ёки фитосанитария хulosаси тайёрлаш ва бериш муддати уч иш кунидан ошмаслиги керак.

Ветеринария ёки фитосанитария хulosаси берилганлиги учун Ўзбекистон Республикаси Кишлоқ ва сув хўжалиги вазирлиги томонидан белгиланадиган ва Ўзбекистон Республикаси Молия вазирлигига декларацияланган тарифлар бўйича, бирор энг кам ойлик иш ҳақининг бир бараваридан ортиқ бўлмаган суммада тўлов ундирилади.

11. Ветеринария ва фитосанитария хulosалари олиниши хисобга олинган ҳолда гигиеник сертификатни расмийлаштириш ва бериш муддати 14 иш кунидан ортиқ бўлмаслиги керак.

Махсулотларни синашнинг аниқ муддати синовларнинг тегишли усуллари учун норматив ҳужжатларда назарда тутилган муддатларга қараб белгиланади.

12. Гигиеник сертификат бериш ишларини амалга ошириш харажатларини қоплаш учун давлат санитария назоратининг худудий органлари Ўзбекистон Республикаси Кишлоқ ва сув хўжалиги вазирлиги томонидан белгиланадиган ва Ўзбекистон Республикаси Молия вазирлигига декларацияланган тарифлар бўйича, бирор энг кам ойлик иш ҳақининг 10 бараваридан ортиқ бўлмаган суммада тўлов ундирилади.

13. Ветеринария ва фитосанитария хulosалари бериш бўйича ваколатли органларнинг хизматларига ариза берувчи томонидан ҳақ тўлаш давлат санитария назоратининг худудий органлари орқали ёки қонун ҳужжатларида белгиланган тартибда мустақил равиша амалга оширилади.

14. Ишлаб чиқариладиган маҳсулотга гигиеник сертификатнинг амал қилиш муддати — 3 йил.

Гигиеник сертификат четдан келтирилаётган маҳсулот учун маҳсулотнинг яроқлилик даврига берилади.

15. Гигиеник сертификат ариза берувчига давлат санитария назоратининг худудий органи раҳбарининг имзоси билан берилади, у ушбу органнинг муҳри билан тасдиқланади, унга синовлар протоколи нусхалари илова қилинади.

Агар гигиеник сертификатлаштириш билан бир вақтда маҳсулотнинг фитосанитария ёки ветеринария нормалари ва қоидаларига мувофиқлиги синовдан ўтказилган тақдирда, ариза берувчига тегишли хulosалар ҳам берилади.

16. Лаборатория синовларининг салбий натижалари ҳамда ҳужжатлар тўлиқ туркумда тақдим этилмаслиги гигиеник сертификат бериш рад этилиши учун асос хисобланади, бу ҳақда давлат санитария назоратининг худудий органи қонунчиликнинг аниқ нормаларини кўрсатган ҳолда ариза берувчига ёзма шаклда маълум қиласди.

Аkkредитация қилинган лабораториялар томонидан бир-бирини тақрорловчи синовлар ўтказилишига йўл қўйилмайди.

Ариза берувчи гигиеник сертификат ёхуд фитосанитария ва ветеринария хуло-салари беришнинг рад этилиши юзасидан белгиланган тартибда шикоят қилиши мумкин.

III. Мувофиқлик сертификатини расмийлаштириш ва бериш тартиби

17. Мувофиқлик сертификатини расмийлаштириш сертификатлаш органлари томонидан амалга оширилади.

Сертификатлаштириш органини танлаш аризачи томонидан мустақил амалга оширилади.

18. Ариза берувчи исталган вақтда, сертификатлаштириш органлари эса биринчи талабга кўра қўйидаги ҳужжатларни тақдим этиши шарт:

а) мувофиқлик сертификати мажбурий тартибда бўлиши керак бўлган маҳсулот турларининг рўйхати ёки рўйхатдан кўчирма;

б) аккредитация қилиш соҳасига тааллукли бўлган бир турдаги маҳсулотни сертификатлаш қоидалари;

в) сертификатлаштириш бўйича хизматлар нархлари (тарифлари) прейскуранти;

г) давлат ваколатли органида аккредитация қилинганликни тасдиқловчи ҳужжат.

Сертификатлаштириш органи кўрсатиб ўтилган ҳужжатлар нусхаларини тақдим этганлик учун нусхаларни тайёрлаш харажатларидан ортиқ бўлмаган микдорда тўлов ундиришга ҳақлидир.

19. Ишлаб чиқарилаётган маҳсулотга мувофиқлик сертификатини расмийлаштириш учун ариза берувчи сертификатлаштириш органига ариза билан мурожаат киласи. Аризага қўйидаги ҳужжатлар илова қилинади:

ишлаб чиқарилаётган маҳсулотга норматив ҳужжат нусхаси;

маҳсулотни маркировка қилиш намунаси (маҳсулот тўғрисида ахборот);

гигиеник сертификат нусхаси. Ариза берувчи томонидан айни бир вақтда гигиеник сертификат ва мувофиқлик сертификати олишга ариза берилган тақдирда гигиеник сертификат нусхаси, у мазкур Низомнинг З-бандига мувофиқ, белгиланган тартибда расмийлаштирилгандан кейин тақдим этилади.

Четдан олиб келинаётган маҳсулотни сертификатлаштириш учун қўйидагилар тақдим этилади:

ишлаб чиқарилаётган маҳсулотга норматив ҳужжат нусхаси (у мавжуд бўлганда);

маҳсулотни маркировка қилиш намунаси (маҳсулот тўғрисида ахборот);

Ўзбекистон Республикасининг божхона ҳудудига етиб келганлиги тўғрисида белги қўйилган товарнинг илова ҳужжати (товар-транспорт юк хати, инвойс, счёт-фактура) нусхаси.

20. Сертификатлаштириш мақсадида сертификатлаштириш органларига стандартлаш бўйича расмий, «Ўзстандарт» агентлиги томонидан тасдиқланган норматив ҳужжатлар нусхалари тақдим этилади, бошқа ҳолларда, шу жумладан ўз эҳтиёжлари учун, тасдиқланмаган нусхалардан фойдаланилиши мумкин.

21. Аризада назарда тутилган тақдирда, сертификатлаштириш органи сертификатлаштириш ишларини гигиеник сертификат (ветеринария ва фитосанитария хуло-салари) нусхаларини олиш муддатини кечиктирган ҳолда бошлаши мумкин.

Бу ҳолда сертификатлаштириш органи мувофиқлик сертификатини фақат ари-

за берувчи томонидан ижобий натижаларга эга бўлган ҳужжатларнинг барча зарур нусхалари тақдим этилгандан кейин беришга ҳақлидир.

22. Сертификатлаштириш органи ариза берилган кундан бошлаб икки кун муддатда жойига бориб сертификация синовларини ўтказиш учун маҳсулот намуналарини танлаб олади ва идентификация қилади.

Намуналар сони, танлаб олиш тартиби, идентификация қилиш ва сақлаш коидалари маҳсулотга норматив ҳужжатларда белгиланади.

23. Ариза берувчи ўз маҳсулотининг танлаб олинишида ва синовларида қатнашиш ҳуқуқига эга. Бунда лабораторияда мағфийликни таъминлаш чора-тадбирлари кўрилиши керак.

Намуналарнинг сақланиши, сифати ва синовларининг ишончлилиги учун «Ўзстандарт» агентлиги томонидан аккредитация қилинган лаборатория (марказ) жавоб беради. Синовлар протоколларини масъул мутахассислар имзолайди ва лаборатория раҳбари тасдиқлайди.

24. Ариза берувчи сертификатлаштириш органига аккредитация қилинган лабораториялардаги маҳсулот синовлари бўйича қўшимча ҳужжатларни тақдим этиши мумкин. Агар маҳсулотни алоҳида параметрлари бўйича синовлар турли синов лабораторияларида ўтказилган бўлса, у холда синовларнинг ижобий натижалари билан бирга барча зарур протоколларнинг мавжудлиги маҳсулотнинг белгиланган талабларга мувофиқлигининг ижобий баҳоси ҳисобланади.

Республикада четдан келтириладиган, мажбурий тартибда сертификатланиши керак бўлган маҳсулотга норматив ҳужжат мавжуд бўлмагандан, сифат ва хавфсизлик бўйича сертификация синовлари маҳсулотнинг ана шундай турлари талабларига мувофиқлиги юзасидан амалга оширилади.

Аризачи томонидан четдан олиб келинаётган маҳсулотга зарур норматив ҳужжат ёки техник таснифномалар тақдим этилмаган тақдирда, мазкур маҳсулотни сертификатлаш маҳсулотнинг ана шундай турларига ҳужжатлар бўйича ёки гигиеник сертификат асосида, уни идентификация килган холда амалга оширилади (озик-овқат маҳсулотига ва озиқ-овқатга қўшиладиган маҳсулот учун).

25. Лаборатория синовларининг салбий нтижалари, шунингдек ҳужжатларнинг тўлиқ бўлмаган комплектини тақдим этиш мувофиқлик сертификати беришни рад этиш учун асос ҳисобланади, бу тўғрида сертификатлаштириш органи ариза берувчига аниқ қонунчилик нормаларини кўрсатган холда ёзма равишда хабар қиласи.

Хулоса беришни рад этганлик юзасидан ариза берувчи белгиланган тартибда шикоят қилиши мумкин.

26. Сертификатлаштириш органи тақдим этилган ҳужжатлар ва синовларнинг ижобий натижалари асосида икки иш куни мобайнида мувофиқлик сертификатини расмийлаштиради.

Мувофиқлик сертификати четдан олиб келинаётган маҳсулотларга маҳсулот яроқлилигининг кафолатли муддатига, кўплаб ишлаб чиқариладиган маҳсулот учун эса — 3 йилга берилади.

27. Кўплаб ишлаб чиқариладиган маҳсулотга мувофиқлик сертификати бериш учун сертификатлаштириш органи ариза берувчидан маҳсулотни кўплаб ишлаб чиқариш учун шарт-шароитлар мавжудлигини аниқлаш мақсадида маҳсулот ишлаб чиқариладиган объектларни белгиланган тартибда текширади. Текшириш натижалари бўйича далолатнома расмийлаштирилади, ундан мувофиқлик сертификати бериш тўғрисида қарор қабул қилишда фойдаланилади.

Ўтказилган текширишлар натижалари тўғрисидаги маълумотлар мувофиқлик сертификатида келтирилади.

Текширишни ўтказиш муддати, ишлаб чиқаришнинг шакли ва тоифаларига кўра, синовлар учун намуналар танлаб олинган вактдан бошлаб 10 иш кунидан ошмаслиги керак. Текшириш ўтказилганлиги учун тўлов амалда сарфланган вакт бўйича ва белгиланган тартибда тасдиқланган харажатлар калькуляциясига биноан ундирилади.

Мувофиқлик сертификатини расмийлаштириш ва бериш муддати сертификатлаштириш органи томонидан синовлар натижалари олинган вактдан бошлаб 5 иш кунидан ошмаслиги керак.

28. Кўплаб ишлаб чиқариладиган маҳсулот учун мувофиқлик сертификати берган сертификатлаштириш органи ҳар йили камида бир марта, маҳсулотнинг сертификатлаштиришда белгиланган талабларга мувофиқлигини тасдиқлаш максадида, сертификатлаштирилган маҳсулотни инспекция назорати текширувани ўтказади.

Инспекция назорати натижалари бўйича мувофиқлик сертификатининг амал қилиши тасдиқланиши ёки тўхтатиб турилиши ёхуд белгиланган тартибда бекор қилиниши мумкин.

29. Лаборатория синовларини ўтказганлик, сертификатни расмийлаштирганлик ва берганлик учун тўлов тартиби, лицензия ажратмалари миқдорлари Ўзбекистон Республикаси Молия вазирлиги билан келишилган холда «Ўзстандарт» агентлигининг йўл-йўриқ хужжатларида белгиланади.

IV. Чет эл мувофиқлик сертификатларини эътироф этиш

30. Сертификатлаштириш органи эътироф этиш тўғрисида битим тузилган МДХ мамлакатларидан ва узок хорижий мамлакатлардан олиб келинадиган маҳсулотга сертификатларни эътироф этиш хукуқига эга.

Эътироф этиш тартиботи сертификатлаштириш органининг бир турдаги маҳсулотни сертификатлаштириш тартибида, «Ўзстандарт» агентлигининг норматив хужжатларига мувофиқ белгиланган бўлиши керак.

Халқаро тизимлар ва битимлар доирасида амалга ошириладиган сертификатларни эътироф этиш ушбу тизимлар ва битимларда белгиланган, Ўзбекистон Республикаси конун хужжатларига зид бўлмаган қоидаларга мувофиқ ўтказилади.

31. Сертификат талабларга мувофиқ бўлган, Ўзбекистон Республикасида белгиланган ана шундай талаблардан колишмайдиган маҳсулот учун эътироф этилади.

Норматив хужжатларда сертификатлаштириш учун шарт бўлган ёки контрактда белгиланган қўшимча талаблар мавжуд бўлган тақдирда маҳсулот ушбу талабларга мувофиқлик юзасидан синаб кўрилиши керак.

32. Олинган хужжатлар ва материалларни таҳлил қилиш, шунингдек маҳсулотни идентификациялаш асосида сертификатлаштириш органи чет эл мувофиқлик сертификатини эътироф этиш (этмаслик) тўғрисида қарор қабул қиласи.

Экспорт қилувчи мамлакатнинг Миллий сертификатлаштириш тизимига берилган мувофиқлик сертификатини эътироф этиш уни импорт қилувчи мамлакатнинг мувофиқлик сертификатига қайта расмийлаштириш ва Ягона давлат реестрига киритиш йўли билан амалга оширилади.

V. Маҳсулотни штрихли кодлаштириш

33. Ариза берувчи ўз хошишига кўра таснифлаш Европа товар рақамланиши уюшмаси (EAN) томонидан кодлаштириш борасида корхонанинг рўйхатдан ўтказиш

ракамини ҳамда ишлаб чиқариладиган товарнинг бир кун мобайнида бериладиган рақамли кодини олиш учун «EAN Uzbekistan»га мурожаат қилади.

«Ўзстандарт» агентлиги томонидан, белгиланган тартибга мувофиқ штрихли коднинг оригинал-макети тайёрланади ва берилади.


34. Код бериш бўйича хизматлар қиймати, шунингдек аъзолик бадаллари миқдори «EAN Uzbekistan» қатнашчилари томонидан белгиланади. Штрихли коднинг оригинал-макетларини тайёрлаш ва бериш қиймати Ўзбекистон Республикаси Монополиядан чиқариш ва рақобатни ривожлантириш давлат қўмитаси билан келишилган, Ўзбекистон Республикаси Молия вазирлигига декларация қилинган тарифлар бўйича белгиланади.

VI. Якуний қоидалар

35. Ушбу Низомнинг бузилишида айбдор бўлган шахслар қонун хужжатларига мувофиқ жавоб беришади.

Маҳсулотларни сертификатлаштириш тартиби тўғрисидаги низомга
ИЛОВА

Маҳсулотларни сертификатлаштириш тартиботи схемаси



Изоҳлар:

1. Ариза берувчи зарур ҳолларда гигиеник хуроса олиш учун худудий санитария назорати органига зарур хужжатларни илова қилган ҳолда ариза беради.

Худудий давлат санитария назорати органи белгиланган тартибида жойига борган ҳолда лаборатория синовлари ўтказиш учун маҳсулотлардан намуна олади ва обьектни текширади.

1а. Чорва маҳсулотлари учун худудий санитария назорати органи ариза берувчидан хужжатлар олинган кундан кейинги кундан кечикмасдан туман (шаҳар) ветеринария хизмати органига буюртманома жўнатади.

1б. Ветеринария хизмати органи учун муддатда худудий санитария назорати органига ветеринария хуросасини ёки хуроса беришини рад этишга сабаб бўлган аниқ қонун хужжатлари нормаларини кўрсатган ҳолда ёзма жавоб юборади.

Ветеринария хизмати органи 20 кунгача изоляциялаш-чеклаш (карантин) чораларини белгилаш хуқукига эга. Бунда ветеринария хуросасини бериш тартиботи карантин муддати тутагунга қадар тўхтатиб турилади.

1в. Ўсимлилар маҳсулотлари учун худудий санитария органи ариза берувчидан хужжатлар олинган кундан кейинги кундан кечикмасдан туман (шаҳар) ўсимликлар карантини давлат хизмати органига буюртманома жўнатади.

1г. Ўсимликлар карантини давлат хизмати органи икки кун муддатда фитосанитария хуросаси ёки салбий хуроса беради.

2. Лаборатория синовлари, шунингдек ветеринария ҳамда фитосанитария хуросаларидан ижобий натижга олинганда, худудий санитария назорати органи ариза берувчига гигиеник хуроса беради.

3,4. Ариза берувчи ўз хоҳишига кўра, ташкилот ва ишлаб чиқарадиган маҳсулот штрихли кодда фойдаланиладиган товар кодини олиш учун «EAN Uzbekistan»га мурожаат қилиши мумкин.

5. Ариза берувчи мувофиқлик сертификати олиш учун сертификатлаш бўйича аккредитация қилинган органга зарур хужжатларни илова қилган ҳолда ариза тақдим этади. (Ариза гигиеник хуроса олиш учун бериладиган ариза билан бир вақтда берилиши мумкин).

6. Сертификатлаш бўйича аккредитация қилинган орган 15 иш кунидан ортиқ бўлмаган муддатда мувофиқлик сертификати ёки аниқ қонун хужжатлари нормаларини кўрсатган ҳолда ёзма рад жавобини беради.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИННИГ ҚАРОРИ

316 2004 йилги XXVIII ёзги Олимпиада ўйинлари совриндорлари бўлган Ўзбекистон Республикаси спорчиларига бир марталик мукофотларни тўлаш тартиби тўғрисида-ги низомни тасдиқлаш ҳақида

Ўзбекистон Республикаси Вазирлар Маҳкамасининг «Ўзбекистон Республикаси спорчиларининг Афина шаҳри (Греция)да ўтказиладиган 2004 йилги XXVIII ёзги Олимпиада ўйинларида муносаб иштирок этишини таъминлаш тўғрисида» 2004 йил 7 июндангаги 261-сон қарорига мувофиқ Вазирлар Маҳкамаси **қарор қиласди:**

1. 2004 йилги XXVIII ёзги Олимпиада ўйинлари совриндорлари бўлган Ўзбекистон Республикаси спорчиларига бир марталик мукофотларни тўлаш тартиби тўғрисидаги низом иловага мувофиқ тасдиқлансан.

2. Ўзбекистон Республикаси Молия вазирлиги, Ташқи иқтисодий фаолият миллий банки XXVIII ёзги Олимпиада ўйинлари совриндорлари бўлган республика спортчиларига белгиланган бир марталик пул мукофотларини мазкур қарор билан тасдиқланган Низомга қатъий мувофиқ равишда ҳисоблаш ва тўлашни амалга оширилсанлар.

3. Республика спортчиларига пул мукофотларини тўлаш учун Ўзбекистон Республикаси Ташқи иқтисодий фаолият миллий банки XXVIII ёзги Олимпиада ўйинларида олтин, кумуш ва бронза медалларига сазовор бўлган спортчиларга жисмоний шахслар учун депозит валюта ҳисоб рақамлари очсин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Р.С. Азимов ва А.А. Азизхўжаев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 7 июль,
320-сон

Вазирлар Маҳкамасининг
2004 йил 7 июлдаги 320-сон қарорига
ИЛОВА

2004 йилги XXVIII ёзги Олимпиада ўйинлари совриндорлари бўлган Ўзбекистон Республикаси спорчиларига бир марталик мукофотларни тўлаш тартиби тўғрисида НИЗОМ

1. Ушбу Низом Ўзбекистон Республикаси Вазирлар Маҳкамасининг «Ўзбекистон Республикаси спорчиларининг Афина шаҳри (Греция)да ўтказиладиган 2004 йилги ёзги Олимпиада ўйинларида муносаб иштирок этишини таъминлаш тўғрисида» 2004 йил 7 июндангаги 261-сон қарорига мувофиқ ишлаб чиқилган ҳамда XXVIII ёзги Олимпиада ўйинларида олтин, кумуш ва бронза медаллари олган Ўзбекистон

Республикаси спортчиларига бир марталик пул мукофотларини тўлаш тартибини белгилайди.

2. Олтин, кумуш ва бронза медаллари олган республика спортчилари қўйидаги миқдорлардаги пул мукофотлари билан тақдирланадилар:

олтин медаль — 100 000 АҚШ доллари;

кумуш медаль — 50 000 АҚШ доллари;

бронза медаль — 25 000 АҚШ доллари.

3. Олтин, кумуш ва бронза медаллари олган спортчиларга пул мукофотини тўлаш билан боғлиқ харажатлар Давлат бюджети маблағлари хисобига амалга оширилади.

4. Ўзбекистон Республикаси Молия вазирлиги Ўзбекистон республика валюта биржасида валюта маблағларини сотиб олиш учун сўмдаги маблағларни ваколатли ташкилотларга ўтказади.

Ўзбекистон Республикасининг ваколатли ташкилотлари ажратилган сўмдаги маблағларни зарур валюта маблағлари сотиб олиш учун Ўзбекистон Республикаси Ташқи иқтисодий фаолият миллий банки ҳисобига ўтказадилар.

5. Ажратилган суммалар Ўзбекистон республика валюта биржаси савдоларида Ўзбекистон Республикаси Марказий банкининг конвертация санасидаги расмий алмаштириш курси бўйича белгиланган тартибда долларга конвертация қилинади.

6. Ўзбекистон Республикаси Ташқи иқтисодий фаолият миллий банки Ўзбекистон республика валюта биржасида валюта маблағларини сотиб олади ва сотиб олинган маблағлар доирасида Олимпиада ўйинларида олтин, кумуш ва бронза медалларини кўлга киритган спортчиларга белгиланган тартибда жисмоний шахслар учун депозит валюта ҳисоб рақамлари очади.

7. XXVIII Олимпиада ўйинларида эришган юксак натижалари учун Ўзбекистон Республикаси спортчиларига пул мукофотларини тўлаш Ташқи иқтисодий фаолият миллий банкида белгиланган тартибда жисмоний шахслар учун очиладиган депозит валюта ҳисоб рақамларидан, Ташқи иқтисодий фаолият миллий банки томонидан АҚШ долларида амалга оширилади.

БЕШИНЧИ БЎЛИМ

ЭЛЕКТР ЭНЕРГИЯДА НАЗОРАТ БЎЙИЧА ДАВЛАТ ИНСПЕКЦИЯСИ
«ЎЗДАВЭНЕРГОНАЗОРАТ» БОШЛИФИНИНГ
БУЙРУФИ

317 Истеъмолчиларнинг электр қурилмаларидан техник фойдаланиш қоидаларини тасдиқлаш тўғрисида

*Ўзбекистон Республикаси Адлия вазирлиги томонидан 2004 йил
9 июлда 1383-сон билан давлат рўйхатидан ўтказилди*

(2004 йил 19 июлдан кучга киради)

Ўзбекистон Республикасининг «Меҳнатни муҳофаза қилиш тўғрисида»ги Ко-
нуни, Ўзбекистон Республикаси Вазирлар Маҳкамасининг 1992 йил 29 апрелдаги
210-сонли «Собиқ СССРнинг конуний ҳужжатларини қайта кўриб чиқиш бўйича
ишиларни ташкил этиш тўғрисида»ги қарори ва Ўзбекистон Республикаси Вазирлар
Маҳкамасининг 2004 йил 1 мартағи 96-сонли қарори билан тасдиқланган «Ўздав-
энергоназорат» давлат инспекцияси тўғрисидаги низомга асосан, **буюраман:**

1. Илова* қилинаётган «Истеъмолчиларнинг электр қурилмаларидан техник
фойдаланиш қоидалари» тасдиқлансин.
2. Мазкур буйруқ Ўзбекистон Республикаси Адлия вазирлигига давлат рўйха-
тига олинган кундан бошлаб, 10 кун ўтганидан сўнг кучга киритилсин.
3. Мазкур буйруқ кучга кирган кундан бошлаб СССРнинг энергетика ва электр-
лаштириш вазирлигининг Давлат электр энергетикада назорат бош бошқармаси
томонидан 1984 йил 21 декабрда тасдиқланган «Истеъмолчиларнинг электр қурил-
маларини техникавий эксплуатация қилиш қоидалари» Ўзбекистон Республикаси
худудида қўлланилмасин.
4. Ушбу буйруқнинг бажарилишини назорат қилишни ўз зиммамда колдира-
ман.

**Электр энергияда назорат бўйича давлат инспекцияси
«Ўздавэнергоназорат» бошлиғи Б. ТЕШАБОЕВ**

Тошкент ш.,
2004 йил 21 май,
207-сон

* Илова рус тилидаги матнда берилади.

ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИННИГ
ҚАРОРИ

318 Товарларни автомобиль транспортида божхона назорати остида етказиш қоидаларига ўзгартириш киритиш тўғрисида

*Ўзбекистон Республикаси Адлия вазирлиги томонидан 2004 йил
9 июлда 875-1-сон билан давлат рўйхатидан ўтказилди*

(2004 йил 19 июлдан кучга киради)

Ўзбекистон Республикасининг «Давлат божхона хизмати тўғрисида»ги Конунинг 6-моддасига ва Ўзбекистон Республикаси Вазирлар Маҳкамасининг 2004 йил 20 майдаги «Ўзбекистон Республикаси худудида ташилаётган товарларни божхона томонидан назорат қилишни кучайтириш тўғрисида»ги 239-сонли карорига асосан Ўзбекистон Республикаси Давлат божхона қўмитаси **қарор қиласди**:

1. Товарларни автомобиль транспортида божхона назорати остида етказиш қоидаларининг (2000 йил 19 январь, рўйхат рақами 875) 5.2-банди қўйидаги таҳрирда баён этилсин:

«5.2. Божхона кузатуви ёки товарларнинг божхона ташувчиси томонидан ташилиши тўғрисидаги қарор жўннатиш божхона органи томонидан қонунчиликда белгиланган тартибда қабул қилинади».
2. Ушбу қарор Ўзбекистон Республикаси Адлия вазирлигига давлат рўйхатидан ўтказилган кундан бошлаб ўн кун ўтгандан кейин кучга киритилсин.
3. Мазкур қарорнинг ижросини назорат қилиш раис ўринбосари С. Носиров зиммасига юклатилсин.

Давлат божхона қўмитаси раиси Б. МАТЛЮБОВ

Тошкент ш.,
2004 йил, 28 июнь,
01-02/20-29-сон

**Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2004 йил 3 июлдан 9 июлгача бўлган маълумот**

I. Давлат рўйхатидан ўтказилди:

1. «Истеъмолчиларнинг электр қурилмалардан техник фойдаланиш қоидалари ни тасдиқлаш тўғрисида» Ўзбекистон Республикаси Электр энергетикада назорат бўйича давлат инспекцияси бошлигининг 2004 йил 21 майдаги 207-сон бўйргузи.

2004 йил 9 июлда 1383-сон билан рўйхатдан ўтказилди (2004 йил 19 июлдан кучга киради).

2. «Товарларни автомобиль транспортида божхона назорати остида етказиши қоидаларига ўзгартириш киритиш тўғрисида» Ўзбекистон Республикаси Давлат божхона қўмитасининг 2004 йил 28 июндаги 01-02 / 20-29-сон қарори.

2004 йил 9 июлда 875-1-сон билан рўйхатдан ўтказилди (2004 йил 19 июлдан кучга киради).

**Кучини йўқотган деб эътироф этилди ва ижродан
чақириб олинди:**

1. Ўзбекистон Республикаси Молия вазирлиги, Давлат солик қўмитаси (13 / 1-9936-сон), «Ўзбекнаво» гастроль-концерт бирлашмасининг (БА-22-сон) 2003 йил декабрдаги кўшма хати.

Ушбу ҳужжат Ўзбекистон Республикаси Адлия вазирлиги тақдимномаси асосида давлат рўйхатидан ўтказилмаган ва амалдаги қонунчиликка зид ҳужжат сифатида кучини йўқотган деб эътироф этилди ва ижродан чақириб олинди.